

四部文明

文懷沙 主編
秦漢文明卷



陝西震旦漢唐研究院 編纂
陝西人民出版社

(二十二)

西安曲江文化產業投資集團支持

四部文庫

文懷沙主編

秦漢文明卷

一一二

陝西震旦漢唐研究院 編纂
陝西人民出版社

秦漢文明卷

二十二



秦漢史部書彙二

東觀漢記二十四卷

〔漢〕劉珍等撰

三一—一六一

秦漢金石文彙

兩漢金石記二十二卷

〔清〕翁方綱撰 一六五—四五七

金石粹編秦漢之部十九卷

〔清〕王昶撰 四五九—七八〇

八瓊室金石補正秦漢之部七卷

〔清〕陸增祥撰 七八一—八二四

秦漢史部書彙二



〔漢〕劉 珍等撰

東觀漢記

景印清乾隆文淵
閣四庫全書本

欽定四庫全書

史部四

東觀漢記

別史類

提要

臣等謹案東觀漢記二十四卷隋書經籍志稱長水校尉劉珍等撰今攷之范書珍未嘗為長水校尉且此書創始在明帝時不可題珍等居首案范書班固傳云明帝始詔班固與睢陽令陳宗長陵令尹敏司隸從事孟冀

欽定四庫全書

東觀漢記
提要

共成世祖本紀并撰功臣平林新市公孫述事作列傳載記二十八篇此漢記之初創也劉知幾史通古今正史篇云安帝詔史官謁者僕射劉珍及諫議大夫李尤雜作紀表名臣節士儒林外戚諸傳起建武訖永初范書劉珍傳亦稱鄧太后詔珍與劉駒餘作建武以來名臣傳此漢記之初續也史通又云劉珍等卒復命侍中伏無忌與諫議大夫黃景

作諸王王子功臣恩澤侯表南單于西羌傳

地理志元嘉元年復令大中大夫邊韶大軍

營司馬崔寔議郎朱穆曹壽雜作孝穆崇二

皇及順烈皇后傳又增外戚傳入安思等后

儒林傳入崔篆諸人寔壽又與議郎延篤雜

作百官表順帝功臣孫程郭願及鄭眾蔡倫

等傳凡百十有四篇號曰漢記范書伏湛傳

亦云元嘉中桓帝詔伏無忌與黃景崔寔等

欽定四庫全書

東觀漢記
提要

共撰漢紀延篤傳亦稱篤與朱穆邊韶共著作東觀此漢記之再續也蓋至是而史體粗備乃肇有漢記之名史通又云熹平中光祿大夫馬日磾議郎蔡邕楊彪著作東觀接續紀傳之可成者而邕別作朝會車服二志後坐事徙朔方上書求還續成十志董卓作亂舊文散逸及在許都楊彪願存注記案范書蔡邕傳邕在東觀與盧植韓說等撰補後漢



記所作靈紀及十志又補諸列傳四十二篇因李侗之亂多不存盧植傳亦稱熹平中植與邕說並在東觀續漢記又劉昭補注司馬書引袁山松書云劉洪與蔡邕共述律歷記又引謝承書云胡廣博綜舊儀蔡邕因以為志又引謝沈書云蔡邕引中興以來所修者為祭祀志范書李賢注稱邕上書云臣科條諸志所欲刪定者一所當接續者四前志所無欲著者五此漢記之三續也其稱東觀者范書安帝記李賢注引雒陽宮殿名云南宮有東觀竇章傳云永初中學者稱東觀為老氏藏室道家蓬萊山蓋東漢之初著述在蘭臺至章和以後圖籍盛於東觀修史者皆在是焉故以名書隋志稱書凡一百四十三卷而新舊唐書志則云一百二十六卷又錄一卷蓋唐時已有闕佚隋志又稱是書起光武

欽定四庫全書

東觀漢記

三

訖靈帝今攷列傳之文間記及獻帝時事蓋楊彪所補也晉時以此書與史記漢書為三史人多習之故六朝及初唐人隸事釋書類多徵引自唐章懷太子李賢集諸儒注范書盛行於代此書遂微北宋時尚有殘本四十三卷趙希弁讀書附志邵博聞見後錄並稱其書乃高麗所獻蓋已罕得南宋中興書目則止存鄧禹吳漢賈復耿弇寇恂馮異祭遵景丹蓋延九傳共八卷維時有蜀本流傳而錯誤不可讀上蔡任滂始以秘閣本離校羅願為序行之刻板於江夏郡又陳振孫書錄解題稱其所見本卷第凡十二而闕第七第八二卷卷數雖似稍多而核其列傳之數亦止九篇則固無異於書目所載也自元以來此書久佚永樂大典於鄧禹賈耿諸韻內並無漢記一語則所謂九篇者明初即已不存

欽定四庫全書

東觀漢記

四

矣

本朝姚之駟撰後漢書補逸曾蒐集遺文析為八卷然所採祇據劉昭續漢書十志補注范書李賢注虞世南北堂書鈔歐陽詢藝文類聚徐堅初學記五書又往往掇拾不盡挂漏殊多今謹據姚本舊文以永樂大典各韻所載參攷諸書補其闕逸所增者幾十之六其書久無刊本傳寫多訛姚本隨文鈔錄謬戾百出且漢記目錄雖佚而紀表志傳載記諸體例史通及各書所載梗概尚一一可尋姚本不加攷證隨意標題割裂顛倒不可殫數今悉加釐正分為帝紀三卷年表一卷志一卷列傳十七卷載記一卷其篇第無可攷者別為佚文一卷而以漢記與范書異同附錄於末雖殘珪斷壁零落不完而古澤斑瀾固非瑰寶書中所載如章帝之詔增修羣祀杜

欽定四庫全書

東觀漢記

五

欽定四庫全書

東觀漢記

六

林之議郊祀東平王蒼之議廟舞並一朝大典而范書均不詳載其文他如張順預起義之謀王常贊昆陽之策楊正之嚴正趙勤之潔清亦復槩從闕如殊為疎略惟賴茲殘笈讀史者尚有所循則其有資攷證良匪淺鮮尤不可不亟為表章矣乾隆四十九年十月恭校上

總纂官 臣 紀昀 臣 陸錫熊 臣 孫士毅

總校官 臣 陸費墀



欽定四庫全書

東觀漢記卷一

帝紀一

世祖光武皇帝

光武皇帝諱秀高帝九世孫也承文景之統出自長沙

定江發王生春陵節侯春陵本在零陵郡節侯孫考侯

考侯孫考侯侯今從范書城

夷封南陽蔡陽白水鄉因故國名曰春陵皇考初為濟

欽定四庫全書

東觀漢記

陽令有武帝行過宮常封閉帝將生皇考以令舍下濕

開宮後殿居之

案范書帝記李賢注引蔡邕碑云光武將生皇考以令舍不顯開宮後殿居之

與此合范書謂生子縣舍殊誤

建平元年十二月甲子夜帝生時有赤

光室中盡明如晝皇考異之使卜者王長卜之長曰此

善事不可言是歲有嘉禾生一莖九穗長大于凡禾縣

界大豐熟因名帝曰秀先是有鳳凰集濟陽故宮中皆

畫鳳凰聖瑞萌兆始形于此帝為人隆準日角大口美

鬚眉長七尺三寸在春陵時望氣者言春陵城中有喜

氣曰美哉王氣鬱鬱葱葱

頓君卒

長安受尚書于中大夫廬江許子威資用乏與同舍生

韓子合錢買驢令從者儆以給諸公費大義略舉因學

世事朝政每下

高才好學然亦喜遊俠關難走馬具知閭里姦邪吏治

得失時會朝請舍長安尚冠里南陽大人賢者往來長

安為之邸閭稽疑議

欽定四庫全書

東觀漢記

訟逋租于大司馬嚴尤見而奇之時宛人朱祐亦為

舅訟租于尤尤止車獨與帝語不視祐帝歸戲祐曰嚴

公寧視卿耶王莽時雒陽以東米石二千莽遣三公將

運關東諸倉賑貸窮乏又分遣大夫謁者教民糞木為

酪酪不可食重為煩擾流民入關者數十萬人置養贖

官以廩之盜發其廩民餓死者十七八人民相食末年

天下大旱蝗蟲蔽天盜賊羣起四方潰畔荆州下江平

林兵起王匡王鳳為之渠率時南陽旱饑而帝田獨收

帝仁智明達

案太平御覽連作連

多權略樂施愛人在家重慎畏

事勤于稼穡凡伯升好俠笑帝事田作比之高祖兄仲

宛大姓李伯玉

案以下文事蹟推之李伯玉蓋即李通而范書李通傳止云字次元不言其一

名伯玉是可從弟軼數遣客求帝帝欲避之先是時伯

玉同母兄公孫臣為醫伯升請呼難伯升殺之

案同母兄公孫

臣司馬彪續漢書及是書李通傳俱作同母弟中唇臣與此異

帝恐其怨故避之使來

者言李氏欲相見款誠無他意帝乃見之懷刀自備入

見固始侯

案范書李通傳通建武二年封固始侯

兄弟為帝言天下擾亂

欽定四庫全書

東觀漢記

飢餓下江兵威南陽豪右雲擾因其言識文事劉氏當

復起李氏為輔帝殊不意獨內念李氏富厚父為宗卿

師語言譎詭殊非次第嘗疾毒諸家子數犯法令李氏

家富厚何為如是不敢諾其言諸李遂與南陽府掾史

張順等連謀帝深念良久天變已成遂市兵弩絲衣赤

憤時伯升在春陵亦已聚會客矣帝歸舊廬望見廬南

若火光以為人持火呼之光遂盛赫然屬天有頃不見

異之遂即歸宅乃與伯升相見初伯升之起也諸家子

弟皆亡逃自匿曰伯升殺我及聞帝至絳衣大冠腹將

軍服乃驚曰以為獨伯升如此也仲謹厚亦如之皆合

會共勞饗新市平林兵王匡王鳳等因率春陵子弟隨

之兵合七八千人帝騎牛與俱殺新野尉後乃得馬帝

起義兵

案范書帝紀起兵在王莽地皇三年十一月

攻南陽募聞冢上有哭

聲後有人著大冠絳單衣

案此有關文政范書殺新野尉即在是時

使劉終

偽稱江夏吏誘殺湖陽尉嚴尤擊下江兵

案班書王莽傳地皇三年

達納言大將軍嚴尤秩宗大將軍陳茂擊荆州破下江兵

帝奉糗一斛脯三十胸進

欽定四庫全書

東觀漢記

圍宛城

案自此以下皆王莽地皇四年事即更始元年也

王莽懼遣大司徒王

尋大司空王邑將兵來征更始立以帝為太常偏將軍

時無印得定武侯家丞印佩之入朝尋邑兵到潁川嚴光

陳茂與合尤問城中出者言帝不敢取財物但合會諸

兵為之計策尤笑言曰是美鬚眉目者耶欲何為乃如

此初莽遣尋邑欲盛威武以振山東兵甲衝輶干戈旌

旗戰攻之具甚盛至驅虎豹犀象奇偉猛獸以長人

巨無霸為中壘校尉自秦漢以來師出未曾有也帝邀



秦漢文明

之于陽關尋邑兵盛漢兵反走帝馳入昆陽諸將惶恐各欲散歸帝與諸將議城中兵穀少宛城未拔力不能相救今昆陽即破一日之間諸將亦滅不同力救之反欲歸守其妻子財物耶諸將怒曰劉將軍何以敢如此帝乃笑且去惟王常是帝計會候騎還言尋邑兵已來長數百里望不見其後尾前已至城北矣諸將遽請帝帝到為陳相救之勢諸將素輕帝及迫急帝為畫成敗皆從所言時漢兵八九千人留王鳳令守城夜出城南

欽定四庫全書 東觀漢記 卷一 五

門尋邑兵已五六萬到遠環昆陽城作營且圍之數十重系地之駒本作數百里參 證范書帝紀則百字誤雲車十餘丈瞰臨城中旗幟蔽野塵燥連雲金鼓之聲數十里或為地突或為衝車撞城積弩射城中矢下如雨城中負戶而汲尋邑自以為成功漏刻有流星墜尋營中正晝有雲氣如壞山直管而實不及地尺而散吏士皆壓伏時漢兵在定陵即者聞尋邑兵盛皆怖帝歷說其意為陳大命請為前行諸部堅陣帝將步騎千餘前去尋邑軍四五里而陣

尋邑遣步騎數千合戰帝奔之斬首數十級諸部將喜曰劉將軍平生見小敵怯今見大敵勇甚可怪也帝復進尋邑兵卻諸部共乘之斬首百千級連勝乃遂令輕足將書與城中諸將言宛下兵復到而陽墜其書尋邑得書讀之恐帝遂選精兵三千人從城西水上奔陣尋邑兵大奔北于是殺尋而昆陽城中兵亦出中外竝擊會天大雷風暴雨下如注水潦成川泄水盛溢邑大眾遂潰亂奔走赴水溺死者以數萬泄水為之不流邑與

欽定四庫全書 東觀漢記 卷一 六

嚴尤陳茂輕騎乘死人渡泄水逃去漢軍盡獲其珍寶輜重車甲連月不盡五月齊武王拔宛城案齊武王即帝兄伯升後數日更始收齊武王部將劉稷齊武王強爭之遂用譖愬復收齊武王即日皆物故帝降潁陽雖得入意不安門下有繫馬著鼓者馬驚碾破都晨起走出視之乃馬也帝在父城徵詣宛拜帝為破虜大將軍封武信侯更始害齊武王帝飲食語笑如平常獨居輒不御酒肉坐卧枕席有涕泣處更始欲北之雒陽以帝為司隸校

尉先到雒陽整頓官府文書移與屬縣三輔官府吏

案

府吏太平御覽作吏士東迎雒陽者見更始諸將過者已數十輩

皆冠幘衣婦人衣諸子繡襜褕大為長安所笑知者或

畏其衣奔亡入邊郡避之及見司隸官屬皆相指視之

極望老吏或垂涕曰黎然復見漢官儀體賢者議附更

始欲以近親巡行河北大司徒賜言帝第一可用更始

以帝為大司馬遣之河北十月帝持節渡孟津鎮撫河

北安集百姓帝至邯鄲趙王庶兄胡子進狗牒馬醜故

欽定四庫全書

東觀漢記

卷一

趙繆王子臨說帝決水灌赤眉胡子立邯鄲卜者王郎

為天子案胡子太平御覽作趙繆王子林考范書帝紀有趙繆王子林李賢注云東觀記林作臨未知

胡子即臨石移檄購求帝十萬戶案以上皆更始元年事王郎追

帝帝自薊東南馳案范書帝紀洵前在更始二年至鏡陽官屬皆乏食

帝乃自稱邯鄲使者入傳舍傳吏方進食從者饑爭奪

之傳吏疑其偽乃椎鼓數十通給言邯鄲將軍至官屬

皆失色帝升車欲馳而懼不免還坐曰請邯鄲將軍入

久乃駕去夜止蕪蕪亭大風雨馮異進一筍麥飯免肩

聞王郎兵至復驚去至南宮天大雨帝引車入道旁空

舍竈中有火馮異抱薪鄧禹吹火帝對竈炙衣大會真

定帝自擊筑案此事范書不載但云帝得任光印彤等兵降下曲陽北擊中山拔盧奴南擊新市

真定防子皆下之則大會真定當即在是時帝率鄧禹等擊王郎橫野將軍

劉奉天破之案劉奉范書鄧禹傳李賢注作劉奉還過鄧禹營禹進食炙

魚帝大餐嚼時百姓以帝新破大敵欣喜聚觀見帝餐

嚼勞勉吏士威嚴甚厲于是皆竊言曰劉公真天人也

帝引兵攻邯鄲連戰即兵挫折郎遣諫議大夫杜長威

欽定四庫全書

東觀漢記

卷一

案范書帝紀作杜威持節詣軍門帝遣榮載迎延請入軍見上據

地曰實成帝遺體子與也帝曰正使成帝復生天下不

可復得也況詐子與乎長威請降得萬戶侯帝曰一戶

不可得長威曰邯鄲雖鄙君臣并力城守尚可支一歲

終不君臣相率而降但得全身也辭去而郎少傳李立

反郎開城門漢軍破邯鄲誅郎入宮收文書得吏民謗

毀帝言可擊者數千章帝會諸將燒之曰今反側者自

安也案反側者歐陽均蔡文類聚作反側子與范書同帝圍邯鄲未下彭寵遣



秦漢文明

米精魚鹽以給軍糧由是破邯鄲更始遣使者即立帝
為蕭王諸將議上尊號帝不許范書帝紀更始忌令

河北未平不就帝擊銅馬大破之受降適單封降賊
自是始或于更始

渠率諸將未能信賊亦兩心帝救降賊各歸營勒兵待

帝輕騎入案行賊營賊曰蕭王推赤心置人腹中安得

不投死由是皆自安詔馮異軍鴈門卒萬餘人降之詔

字下原本行曰字今刪考范書帝紀及馮異傳俱不載

此詔惟異拒朱鮪李軼時曾北攻天井關後上黨兩城

則軍鴈門當

即在是時

帝已乘王豐小馬先到矣而營門不覺此

欽定四庫全書

東觀漢記

卷一

十

十五字上有關文據范書帝紀建武元年春正月帝擊
尤來大槍五幡于順水北乘勝輕進反為所敗賊追急
短兵接帝自枝高岸遇突騎王豐下馬授帝耿弁頻射
部賊得免散兵歸保范陽軍中不見帝或云已沒即是

也帝破賊入漁陽諸將上尊號帝不許議曹掾張祉言

俗以為燕人愚方定大事反與愚人相守非計也帝大

笑帝發薊還是時破尤來大士眾喜樂師行鼓舞歌

詠雷聲八荒震動至范陽命諸將收葬吏士至中山諸

將復請上尊號上奏曰大王社稷為計萬姓為心朕純
說帝曰天時人事已可知矣初王莽時帝與伯叔及姊

壻鄧晨穰人蔡少公燕語少公道識言劉秀當為天子

或曰是國師劉子駿也帝戲言曰何知非僕即望者皆

大笑時傳聞不見赤伏符文軍中所集姚子駟本作傳

章軍中所帝未信到鄴帝所與在長安同舍諸生疆華自長

安奉赤伏符詣鄴與帝會羣臣復固請曰符瑞之應昭

然著聞矣乃命有司設壇于鄴南千秋亭五成陌

建武元年夏六月己未即黃帝位燔燎告天禋于六宗

改元為建武改鄴為高邑詔曰故密令卓茂束身自修

欽定四庫全書

東觀漢記

十

執節悃固斷斷無他其心休休為夫士誠能為人所不
能為則名冠天下當受天下重賞故武王誅紂封比干

之墓表商客之閭今以改為太傅封宣德侯東宣范書

褒食邑二千戶賜安車一乘衣一襲金五斤冬十月帝

入雒陽幸南宮遂定都焉帝破聖公與朱然書曰交鋒

之日神星晝見太白清明集范書帝紀未即位前使馮

軍即位後使鄴馬破更始定國公王匡軍北云交鋒
未如何時又朱然太平御覽作伯叔本文似有訛脫

二年春正月益吳漢鄒禹等封白漢草創德運正朔服

色未有所定高祖以十月為正以漢水德立北時而祠
 黑帝至孝文賈誼公孫臣以為秦水德漢當為土德至
 孝武兒寬司馬遷猶從土德自帝即位按圖讖推五運
 漢為火德周蒼漢赤木生火赤代蒼故帝都雒陽制北
 于城南七里北郊四里行夏之時時以平旦服色犧牲
 尚黑明火德之運常服徽幟尚赤四時隨色季夏黃色
 議者曰昔周公郊祀后稷以配天宗祀文王以配上帝
 圖讖著伊堯赤帝之子俱與后稷受命而為王漢劉
 欽定四庫全書

寵兵掩擊破浮軍遠不敢救以兵走幽州咸曰上神
 三年帝征秦豐幸舊宅樂范書帝紀及李彭傳春正月
 五月還宮令岑彭等南擊秦豐秋七月大破之于
 恭丘至冬十月乃幸春陵此牽連書之殊未明晰冬十
 月帝幸春陵祠園廟大置酒與春陵父老故人為樂以
 皇祖皇考墓為昌陵後改為章陵以春陵為章陵縣樂范
 書帝紀改春陵鄉為章陵縣在建武六年此蓋通後事言之隗囂上書報以殊禮
 四年夏五月帝幸盧奴為征彭寵故也自王莽末天下
 旱霜連年百穀不成元年之初耕作者少民飢饉黃金
 一斤易粟一石至二年秋天下野穀旅生蔴菽尤盛或
 生荂菜實野蠶成繭被山民收為絮採獲穀果以為
 蓄積至是歲野穀生者稀少而南畝亦益闕矣
 五年初起太學諸生吏子弟及民以義助作帝自齊歸
樂范書帝紀是時平張步歸也幸太學賜博士弟子有差
 六年春二月吳漢下胸城樂范書帝紀蓋平董憲寵萌也天下悉定惟
 獨公孫述隗囂未平帝曰取此兩子置度外乃休諸將
 置酒賞賜之每幸郡國下與見吏輒問以數十百歲能



吏次第下至掾史簡練臣下之行下無所隱其情道數

十歲事若案文書吏民驚惶不知所以人自以見識家

自以蒙恩遠臣受顏色之惠望席之間以要其死力當

此之時賊檄日以百數憂不可勝帝猶以餘閒講經藝

發圖讖制告公孫述署曰公孫皇帝竄雖遣子入侍

書帝紀 魏器遣子恂入侍 尚持兩心器故吏馬援謂器曰

到朝廷凡數十見案本書馬援傳 自事主未嘗見明主

如此也材直驚人其勇非人之敵開心見誠與人語好

醜無所隱諱圖講天下事極盡下思兵事方畧量敵校

勝濶達多大節與高帝等經學博覽政事文辯前世無

比器曰如卿言勝高帝耶曰不如也高帝大度無可無

不可今上好吏事動如節度不飲酒器大笑曰如卿言

反復勝也案范書馬援傳器信援故遂達長子恂入質

代郡太守劉興將數百騎攻賈覽上狀檄至帝知其必

敗報書曰欲復進兵恐失其頭首也詔書到興已為覽

所殺長史得檄以為國家坐知千里也

七年春正月詔羣臣奏事無得言聖人又舊制上書以

青布囊素裏封書不中式不得上帝上詣北軍待報前

後相塵案塵太平御覽作屬 連歲月乃決帝躬親萬幾悉于下情

乃令上書啓封則用不得刮璽書案劉璽太平御覽作引經 取其文

字而已奏詣闕平旦上有當見及冤結者常以日而出

時騎騎馳出召入其餘禹中使者出報即罷去如神遠

近不偏幽隱上達民莫敢不用情追念前世園陵至盛

王侯外戚葬埋僭侈吏民相效寢以無限詔告天下令

薄葬

八年閏四月車駕西征河西大將軍竇融與五郡太守

步騎二萬迎帝隗器士衆震壞皆降器走入城案入大平御覽

西 吳漢岑彭追守之

九年春正月隗器餓出城餐糗糲腹脹死

十一年幸章陵修園廟舊宅田里舍案文選李善注作

十二年吳漢引兵擊公孫述案范書帝紀吳漢伐公孫

述出師實在十一年十二月 入犍為界小縣多

方是十二年事此蓋通始事言之